

證脉語序說

叅黃子吳

崑鶴臯氏撰

脉者指下之經綸也斯而或昧揜則係病之安危
重則關人之生死誠不可不語者自六朝高陽生
爲叔和而著脉訣脉之不明也久矣余幼慕是術
竊有憫焉敬業之餘每以素難靈樞脉經甲乙及
長沙河間東垣丹溪之書間閱之越十年以舉子
業不售里中長老謂余曰古人不得志於時多爲
醫以濟世子盍事醫乎奚拘一經爲也余於是投
舉子筆專岐黃業乃就邑十年亭余老師而養正
焉居三年與師論疾感前師心師勉余友天下士
嗣是由是吳循江漸歷荆襄抵燕趙就有道者師
事之焉或示余以天人貫通之道或示余以醫儒
合一之理或示余聖賢之與古或秘余以家世之
心傳其間講求脉理出入岐黃者未常乏人然童
而習之白首不達者又不可以枚舉而數計矣嗚
呼一指之下千萬人命脉所關深矣於此而憚焉
是以人爲試耳世之疲瘵殘疾將安賴之於是
孤陋之間集咸語錄二篇以告同志雖未敢以爲
可傳然楊園之道倚於軼丘是亦行遠升高一

醫方考卷之六

歛邑 吳 崑 著

從姪 吳子湛 梓

蟲明 第六十五

銘曰。爲國者必欲去夫蠹。國之小人。故爲醫者必欲去夫蠹。身之蠹蝕。身國不同。理相須也。因著六老。以療蟲。君子用之。庶幾乎保安之一策也。

化蟲丸

鶴虱 去土

胡粉 炒

苦練根 東引不出土者

檳榔 各一兩

蕪荑

使君子 各五分

白礬 枯二錢五分 量人大小服一歲兒可五分

腸胃中諸蟲爲患此方主之。○經曰腸胃爲市故無物不包無物不容而所以生化諸蟲者猶腐草爲螢之意乃濕熱之所生也是方也。鶴虱檳榔苦練根胡粉白礬蕪荑使君子皆殺蟲之品古方率劑行之近代類聚而爲丸爾

靈砂丹

水銀一斤 硫黃四兩

二物于新銚內炒成砂更入水火鼎內煅煉爲末糯米糊丸如麻子大每服三丸加至五七丸

忌猪羊血菹豆粉冷滑之物

賜胃諸蟲。此方主之良。○嘗謂濕熱生蟲。故知濕
執者。蟲之天也。是方用硫黃以燥濕。用水銀以驅
執。是奪蟲之天矣。蟲失其天。未有不殺。

蟲藥總考

岷按古方殺蟲。如雷丸貫衆乾漆蠟塵百部鉛灰
皆其所常用也。有加附子乾薑者。壯正氣也。加苦
參黃連者。蟲得苦而安也。加烏梅訶子者。蟲得酸
而軟也。加藜蘆瓜蒂者。欲其帶蟲而吐也。加芫花
黑丑者。欲其帶蟲而下也。用雄黃川椒蛇床樟腦

水銀檳榔者。治疥瘡之蟲也。用胡桐淚。莢若子。韭子。蟬酥者。治齧齒之蟲也。用川槿皮。海桐皮者。治風癰之蟲也。用青箱子。覆盆葉者。治九竅蠱蝕之蟲也。用敗鼓心。菴符板。虎糞。骨死人枕。獺爪。鸛骨者。驅療蟲也。或用桃柳東南枝者。以其得天地春生夏長之氣。而假之以爲吾身之助也。或用吳茱萸。東引根。或用酸石榴。東引根。煎湯吞藥者。一以此物亦能殺蟲。一以東方者。生物之始。諸蟲受氣之所也。東引根。能引諸藥。東行奪其生生之氣。乃伐根之斧也。

汨宅編云。永州通宅聽軍員毛景得奇疾。每語喉
中必有物作聲相應。有道人教之讀本草藥名。至
藍而默然。遂取藍搥汁而飲之。少頃吐出肉塊長
二寸餘。人形悉具。劉思在永州親見其事。千金翼
云。藍主疳蝕。則固殺蟲物爾。

元

陳正敏遜齋閒覽云。楊勔中年得異疾。每發言應
合腹中有小蟲效之。數年間其聲浸大。有道士見
而驚曰。此應聲蟲也。久不治延及妻子。宜讀本草。

遇蟲不應者當取服之。齎如言讀至雷九蟲忽無聲。乃頓服數粒。遂愈。

椰散石榴根煎

蔡定夫。識之子康。積苦寸白蟲。醫者教之以月粉。二日前先炙猪肉一臠。置口中。咀嚥其津而勿食。諸蟲聞香爭吮。如箭攻攢。却以檳榔細末一兩。取石榴東引根煎湯調服之。蔡如其言。不兩時腹中雷鳴急瀉。蟲下如傾。以杖挑之。皆連綿成串。其長幾丈。尚蠕蠕能動。乃悉置之于火。宿惠頓愈。

椰九蟲。一曰伏蟲。長四寸。爲羣蟲之長。二曰白蟲。

相生至多形長一寸其母長至四五尺三曰肉蟲
狀如爛杏令人煩悶四曰肺蟲其狀如蚕令人欬
而聲嘶五曰胃蟲狀如蝦蟆令人吐逆嘔噦六曰
弱蟲狀如瓜瓣令人多唾七曰赤蟲狀如生肉令
人腸鳴八曰蜣蟲至微細狀如菜蟲居洞腸間居
則爲痔漏癰疽諸瘡九曰蛇蟲長一尺貫心則殺
人又有三尸蟲狀如大馬尾薄筋依脾而居乃有
頭尾皆長三寸又有勞蟲膈噎蟲癩蟲蠱蟲狐惑
蟲未易悉舉醫者推類而治之可也

敘曰。察痔漏者。瘍醫之事也。君子鄙談之。然擇疾而療。非醫之任者也。故考二方。以大其規。詳論藥物。以要其變。

四物湯加黃芩黃柏槐花方

當歸

芍藥

川芎

生地黃

酒黃芩

酒黃柏

炒槐花

內熱痔漏下血者。此方主之。○痔漏。廣腸之毒也。內經曰。因而飽食。經脈橫解。腸癖爲痔。是以痔漏之疾。多見於膏粱富貴之人。而藜藿之腹。未見其

多也。一有病根，則勞思便作，飲酒便作，所以然者，內熱而血妄行也。是方也，生地、槐花、黃芩、黃柏清其熱也。當歸芍藥、川芎調其血也。

四君子湯

人參

白朮

茯苓

甘草

年高氣弱，痔血不止者，此方主之。誤服攻痔之藥，致血大下不止而虛脫者，亦此方主之。○血有形之陰也，必賴無形之氣以固之。故年高而氣弱，則血下。久藥損氣，則血下，是方也。人參、白朮、茯苓、甘草皆甘溫益氣之品也。大氣充盈，自足以固有形。

之血譬之乾元充溢於兩間自能舉乎大地而無
傾陷之危者也

痔漏諸藥總考

覬按占方醫痔漏下血有用槐角灰者有用栢葉
灰者有用蝟皮灰者有用露蜂房灰者有用牛角
腮灰者有用胡菴灰者俱以方寸匕酒調下此皆
枯痔之法也湯液之中有用防風者有用秦艽者
有用皂角仁者有用荊芥白芷者此皆責之風熱
入藏也有用芒硝大黃者有用檳榔枳實者此皆
責之實熱可下也有用胡黃連者有用酒苦參者

有用石蓮肉者有用椿木鱉者此皆責之實熱可
清也有用菴仁紅花者有用蒲黃蘇木者此皆責
之瘀血未消也有用杏仁麻仁者有用地黃黃柏
者此皆責其燥金無液也有用地榆蘄艾者有用
枯龍骨廐角霜者此欲強止其血也有用象牙螭
螂者有用人爪蟹爪者此欲放出其血而外施藥
以愈之也有用薰法者有用洗法者有用藥坐者
無非枯痔止血之品也有用插藥者有用掛線者
無非爛肌去腐之輩也嗚呼任醫猶任將用藥猶
用兵神于兵者疊石可以爲營驅牛可以破敵神

于藥者。心鮮而機自靈。見超而術自神。有不拘拘
於紙上之陳言矣。

疥瘡門

第六十七

敘曰人以弗病爲安。疥瘡雖曰小疾。然流連其痒。弗息其搔。則亦非可觀之度矣。因著六考以主之。庶幾乎無瘡痍也。

防風通聖散

防風

川芎

川歸

黃芩

炒

麻黃

去節

連翹

薄荷

石膏

白朮

炒

梔子

炒黑

大黃

芒硝

桔梗

荊芥

白芍藥

滑石

甘草

一

表有疥瘡。內有實熱。此方主之。○諸癰瘍瘡痒。皆

屬心火故表有疥瘡必裏有實熱是方也用防風
麻黃泄熱於皮毛用石膏黃芩連翹桔梗泄熱於
肺胃用荊芥薄荷川芎泄熱於七竅用大黃芒硝
滑石梔子泄熱於二陰所以各道分消其勢也乃
當歸白芍者用之以和血而白朮甘草者用之以
調中爾互考見中風門火門

王燭散

川芎

當歸

生地黃

赤芍藥

大黃

甘草

朴硝

各等分

疥瘡作痛者此方主之○諸痛屬實實者可瀉故